



*Nakristianoan  
a Ministri ni  
Tony Alamo*

**Pagiwarnak para iti Lubong**

**BARO A JERUSALEM**

**Dagiti Iglesia iti Entero a Lubong**

**Pastor Tony Alamo**

**Ti Nakristianoan a Nasion ni Alamo**

**Libro 17600**

# DAGITI PAGSIDSIDDAAWAN SADI LANGIT KEN PAGILASINAN DITROY DAGA

## ni Tony Alamo

Minil-million a tattao ti nangipadamag iti pannakakitada kadagiti UFO, a maaw-awagan met a flying saucers. Awan ti panagkasapulan a libaken ti kaadda dagiti UFO gapu ta talaga nga addada.

Nagsaludsod dagiti disipulo ni JESUS KENKUANA, “Ibagam kadakami, katno a matungpal dagitoy a bambanag? ken anianto ti pagilasinan iti yaaymo, ken iti gibus ti lubong? Ket simmungbat ni JESUS ket imbagana kadakuada, Agannadkayo ta

awan koma ti tao a mangallilaw kadakayo. Ta adunto ti umay iti naganko, ibagada, siak ti CRISTO; ket allilawenda ti adu. Ket makangngegkayonto kadagiti gubat ken sayangguseng ti gubat [ibaga ti *Webster’s Dictionary* a dagiti gubat, iti paset, ket dagiti peste, ki, ‘ti makapatay nga epidemia a sakit, didigra; aniaman a maibaga a makadangran; a makaigapu ti pannakatay; a napeggad iti komunidad (ti makapeste a pamutbuteng ti gubat)’]: kitaenyo ta saankayo a mariribukan: ta masapul a mapasamak amin dagitoy, ngem saan pay a gibus. Ta umalsa ti nasion a maibusor iti nasion, ken pagarian a maibusor iti pagarian: ken addanto dagiti bisbisin, ken peste [dagiti gubat, sakit, tikag, bagyo, layus], ken gingined, iti adu a nadumaduma a lugugar. Amin dagitoy ket rugi ti ladingit.



*Da Tony ken Susan Alamo, ti orchestra, ken choir iti programada iti television idi 1970s ken nasapa a paset ti ‘80s*

“Yawtadkayonto tapno madusa, ken papatayendakayo: ket guraendakayo [naiyanak a nabalbaliwan iti ESPIRITU a Kristiano] amin dagiti nasion gapu iti naganko. Ken adunto ti maitibkol ket aglilinniput ken aggiginnuradanto” (Mateo 24:3-10).<sup>1</sup> “Gura,” ti kaipapananna iti *Webster Dictionary* ket “ti pannakaadda iti dakkal a saan a panangkayat wenna nasakit a nakem para iti, ti tarigagay a mangliklik [kas iti, ti pananggura iti DIOS, ti pananggura iti Biblia, ti pananggura kadagiti Kristiano].”

Inulit nga imbaga ni Apostol Pedro ti paset ti padto ni Joel, maipapan iti gibus ti lubong babaen iti panangibagana nga addanto dagiti “pagsidsiddaawan sadi Langit ken milagro ditoy daga” (Aramid 2:19). Ammoyo kadi a nagdakkal ti nagbaliwan ti nailangitan nga istraktura? Maysa pay, am-

moyo kadi a ti kinaagpaysoanan a dagiti UFO wenna flying saucers a makitkita dagiti tattao ket angheles a mangmanmanman iti daga sakbay nga ibuyatda ti pungtot ti DIOS iti rabaw ti daga tapno madadael daytoy? Kankanayon nga ibabaon ti DIOS dagiti anghelna tapno ibuyatda ti pungtotna kadagiti managbasol ditoy daga.<sup>2</sup>

Ibaga ti Genesis 6:6-7 a “nagbabawi ti APO nga inaramidna ti tao ditoy daga, ken nagladingit ISUNA iti pusona. Ket imbaga

ti APO, dadaelektu ti tao a pinarsuak iti rabaw ti daga; agpada ti tao ken ayup ken dagiti agkarayam a bambanag, ken dagiti tumatayab iti tangatang ta nagbabawiak iti panangaramidko kadakuada.”

Imbaga met ni JESUS iti Mateo 24:37-39, “Ngem kas kadagiti aldaw ni Noe, kastanto met ti yaay ti ANAK ti tao. Ta kas kadagiti aldaw sakbay ti layus mangmangan ken umin-inomda, agas-asawa ken makias-asawada, agingga ti aldaw a simrek ni Noe iti daong, Ken saanda nga ammo agingga nga immay ti layus, ket inalana amin ida; isu a kastanto met ti yaay ti ANAK ti tao.”

No nagbabawi ti DIOS idi panawen ni Noe iti panangaramidna iti tao, ta impadaelna ti amin a sibibiag a banag kadagiti  
(*Naituloy iti panid 2*)

1 Marcos 13:12-13, Lucas 12:51-53, Juan 16:1-3 2 Gen. 19:1, 13, 2 Sam. 24:15-17, 2 Ar. 19:35, 2 Cron. 32:21, Sal. 78:49, Mat. 13:41-42, Ara. 12:23, 2 Tes. 1:7-9, Pal. 7:1-2, 9:15, 15:1, kap. 16

*(Naituloy manipud iti panid 1)*

anghelna babaen iti layus malaksid laeng ken ni Noe, ti asawana, ti tallo a putotna, ken dagiti assawada, saanmo kadi napanunot nga aramaten met ti DIOS dagiti anghelna tapno aramidenda ti kasta met laeng a banag iti amin a populasion ti entero a lubong, inton ibilangna dagiti tattao ti lubong a nakarkaro pay ti kinamanagdakdakesda ngem dagiti tattao idi panawen ni Noe?

Awan ti aniaman a banag kas iti babai nga anghel. Amin dagiti anghel ti DIOS ket lalaki. Lallaki amin dagiti mangimanmaneho kadagiti flying saucers, dagiti mangmanmanman iti kinadakes a maar-aramid ditoy daga iti agdama, ken mangit-ited kadagiti tattao iti nadumaduma a lugar kadagiti ehemplo ti pannakadadael a mapasamakto iti mabiit iti entero a daga.

Iti entero a panawen, kankanayon nga inus-usar ti DIOS dagiti naimbag nga anghel a mangdadael kadagiti aramid ni Satanas kadagiti tattao ti daga, kas idiy Sodoma, Gomorah, ken adu pay a dadduma a lugar iti entero a Nasantoan a Surat.<sup>3</sup> Iti maikadua ken maudi a pannakadadael ti agdama a daga, imbaga ti DIOS kadayo iti Paltiing a dagitinto anghel ti mangibukbok kadagiti maudi a sangapulo ket uppat a didigra ditoy daga agingga a madadael a naan-anay daytoy.<sup>4</sup>

Ibaga ti Paltiing 8:2 agingga iti 9:21, “Ket nakitak dagiti pito nga anghel a nakatakder iti imatang ti DIOS; ket naited kadakuada ti pito a trumpeta. Ken immay ti sabali nga anghel nga addaan iti insensario a balitok ket nagtakder iti altar; ket naited kaniana ti adu nga insenso, tapno idatonna a kadua dagiti kararag dagiti santo iti balitok nga altar nga adda iti sangoanan ti trono. Ket nagpangato iti DIOS ti asok ti insenso a napabuyogan kadagiti kararag dagiti santo manipud iti ima ti anghel. Ket inala ti anghel ti insensario ken pinunnona iti apoy ti altar, ken impurwakna iti daga: ket adda timtimek,

ken gur-gurruod, ken kim-kimat, ken gingined. Ket nagsagana dagiti pito nga anghel nga addaan iti pito a trumpeta tapno agpaunida.

“Nagpauni ti umuna nga anghel, ket adda simmaruno a tudo ti yelo ken apoy a nalaukan iti dara, ket naibellengda iti daga: ket ti kakatlo a paset dagiti kayo ket napuoran, ken amin dagiti berde a ruot ket napuoran. Nagpauni ti maikadua nga anghel, ket naitappuak iti baybay ti kas kadakkel ti bantay nga umap-apoy: ket nagbalin a dara ti kakatlo a paset ti baybay; ket natay ti kakatlo a paset dagiti parsua nga addaan biag iti baybay; ken nadadael ti kakatlo a paset dagiti barko.

“Ken nagpauni ti maikatlo nga anghel ket adda dakkel a bituen manipud langit nga umap-apoy a kas iti pagsilawan ti natnag iti kakatlo a paset dagiti karayan [ken sakbay daytoy, ob-oberbaran dagiti puersa ti DIOS iti tangatang, dagiti flying saucers, a kadawyan a maaw-awagan iti UFO ti amin a korapsion iti daga, ket naragsakanda a nangibuyat iti pungtot ti DIOS iti makarimon, nadakes a sangkataoan], ken kadagiti ubbog ti dandanum; Ken ti nagan ti bituen ket Wormwood: ken nagbalin a wormwood ti kakatlo a paset dagiti danum; ket adu a tattao ti natay gapu iti danum ta nagbalinda a napait. Ken nagpauni ti maikapad nga anghel ket ti kakatlo a paset ti init ket nadadael, ken ti kakatlo a paset ti bulan, ken ti kakatlo a paset dagiti bituen; isu a ti kakatlo a pasetda ket simmipnget, ket saan a naglawag iti kakatlo a paset ti aldaw ken kasta met ti rabii.

“Ket nakitak ken nangngegko ti anghel nga agtaytayab iti langit ket ibagbagana iti napigsa, Nakaal-alinggaget, nakaal-

alinggaget, nakaal-alinggaget, (iti sabali a patarus: asi pay, asi pay, asi pay) dagiti agnanaed iti daga a maipononon iti tallo pay a trumpeta dagiti tallo nga anghel nga aguni pay laeng! [Ipakita dagitoy a Nasantoan a Sursurat amin kadayo a dagiti anghel—dagiti mamangdadael nga anghel ti DIOS—ket ammoda a naan-anay no ania ti adda iti masakbayan. Daksanggasat ta dagiti tattao iti daga, dagiti managdakdakes, ket saanda a maaw-awatan dagitoy!].

“Ken nagpauni ti maikalima nga anghel, ket nakitak a natnag ti bituen iti daga manipud langit: ket naited kaniana ti tulbek ti mangliwengliweng nga abot. Ket linukatanna ti mangliwengliweng nga abot; ket rimuar manipud iti abot ti asok, kas asok ti dakkel a horno; ket simmipnget ti init ken ti angin gapu iti asok ti abot. Ket rimuar dagiti dudon manipud iti asok iti rabaw ti daga: ket naited kaniada ti pannakabalina, a kas iti kaadda ti pannakabalina dagiti manggagama ti daga. Ket nabilinda a saanda a ranggasan ti ruot ti daga, uray dagiti berde a bambanag, uray aniaman a kayo; ngem malaksid laeng kadagiti tattao nga awan ti Selyo ti DIOS kadagiti mungingda. [Saan kadi a nakasidsiddaaw nga ibagbaga dagiti tattao a naung-unget ti DIOS idi Daan a Tulag ngem iti Baro a Tulag? Saan a kasta ti itsurana ditoy di met?] Ngem nabagaanda a saanda ida a patpatayen ngem tutuokenda ida iti lima a bulan: ket ti tuokda ket kas iti tuok ti silod ti manggagama. Ket sapulento dagiti tattao ti pannakatay iti dayta a kanito ngem saanda a masarakan; ken tarigagayanda ti matay ngem itarayan ti patay ida. [Iti Daan a Tulag, saan a naited ti kasta kakaro a dusa. Panunotem—saanka a makabotos tapno umannamong wenno

## Zimbabwe

Patgek a Sir,

Ti programa a Radio Africa Two ket nangyeg iti baro a namnama iti nagad-adu a tattao iti komunidadko. Idi damo a nagdengngagak ditoy nasagidak ket inawisko ti familiak a makipagdengngag kaniak. Nanipud idi, isu ti nangbalaliw iti biagmi. Agyamanak launay iti panangisaknapmo iti ebanghelyo iti entero nga Afrika.

Gunggunaannaka koma ti naimbag nga Apo iti nawadwad.

Pangaasim ta paw-itannak koma iti aniaman a narelihionan a materiales a mabalin mo nga ipaay. Makaparegtada dagitoy iti naespirituan a panagbiagko. Agyamyaman launay kenka,  
Winston Tambwad

Bulawayo, Zimbabwe

<sup>3</sup> Gen. 19:12-25 <sup>4</sup> Pal. 8:7-13, 9:1-19, 11:19, 14:15-20, 15:1, 5-8, 16:1-12, 17-21



bumusor ditoy ta ti DIOS ti NAINDAK-LAN A DIKTADOR, ket kankanayon nga adda isuna iti posision kayat man wenno saan dagiti populasion ti lubong. Awan ti napulitikaan a kinaumno ken awan ti demokrasiya—teokrasiya laeng!] Ken ti porma dagiti dudon ket kas kadagiti kabalyo a nakasagana a makigubat; ken kadagiti uloda ket adda korona a kasla balitok, ken dagiti rupada ket kasla rupa dagiti tattao. Ken addaanda iti buok a kas iti buok dagiti babbai, ken ti ngipenda ket kas iti ngipen dagiti leon. Ken addaanda iti kabal a kas iti landok a kabal; ken ti uni dagiti payakda ket kas iti uni dagiti karruahe ti adu a kabalyo nga agtartaray a makigubat. Ken addaanda iti ipus a kas kadagiti manggagama, ken adda iti silud kadagiti ipusda: ken ti pannakabalinda ket ti mangdangran kadagiti tattao iti lima a bulan. Ken addaanda iti ari nga isu ti anghel ti mangliwengliweng nga abut, a ti naganna iti pagsasao nga Hebreo ket

## Missouri

Patgek a Kakabsat a Lallaki ken Babbai, Kablaaw kadakayo iti Apo. Ikararagko nga amin ket nasayaat. Nasayaatak ken nasalagniban iti ima ti Apo.

Agyamanak iti panangipaw-ityo kadagiti babasaen. Nakaskasdaaw ti testimonio ni Pastor Alamo “Namaga a Tullulang”. Iti pannakaammo a pinanawanna ti biag a kinabaknang ken kinasikat tapno pagserbianna ti sibibiag a Dios ket saan a kadawyan. No adda ad-adu pay a tattao a kas kenkuana nasaysayaat koma ti kondision ti nasiontayo.

Ni Pastor Alamo ket naan-anay a maysa a dakkel a managayat iti nasionna. Kayatko a maam-ammo ti ad-adu pay maipapan kenkuana. Aniaman a babasaen maipapan ken ni Pastor Alamo a maipaw-ityo ket pagyamanak launay.

Agyamanak iti amin nga ar-aramidenyo.

Ken Cristo Jesus,

Richard Bounds

Bonne Terre, MO



Abaddon, ngem iti pagsasao a Griego ket Apollyon.

“Nalpas ti umuna nga alinggaget; ken kitaenyo, adda pay dua nga umay kalpasan. Ket nagpauni ti maikainnem nga anghel, ken nangngegko ti timek manipud iti uppat a sara ti nabalitokan nga altar nga adda iti sangoanan ti DIOS, Kunana iti maikainnem nga anghel nga addaan trumpeta, wayaam dagiti uppat nga anghel a naibalud iti dakkel a karayan ti Eufrates. Ket nawayaan ti uppat nga anghel a naisagana iti uppat nga oras, iti maysa nga aldaw, ken maysa a bulan, ken maysa a tawen, tapno papatayenda ti karkatlo a paset ti tao. Ken ti bilang ti armada dagiti kaballero ket dua gasut a ribo ribo [dua gasut a million]: ket nangngegko ti bilangda. Ket ngarud nakitak dagiti kabalyo iti sirmata, ken dagiti nakalugan kadakuada, nga addaan iti kabal nga apoy ken jacinto ken asufre. Babaen kadagitoy a tallo napapatay ti karkatlo a paset ti tao [No adda pito a billion a tattao iti daga dayta a kanito, kas ita, ket karkatlo kadakuada ti natay gapu daytoy a didigra, saan a maparisan ti pakasaritaan daytoy a bilang no maipapan iti bilang a natay a namnaminsan. Saantayo pay nga ammo no mano a tao ti natay idiyay layus idi panawen ni Noe, uray no ammotayo a nalmesda amin malaksid ken ni Noe ken ti familiana, walo a kararua.<sup>5</sup>], babaen iti apoy ken asuk, ken babaen iti asufre a rimwar kadagiti ngiwatda. Ta ti pannakabalinda ket adda iti ngiwat ken ipusda: ta ti ipusda ket kas iti uleg nga adda ulona a makadangran. Ken dagiti tattao a saan a natay iti didigra ket saan latta a nagbabawi kadagiti aramid dagiti imada, a saanda koma a dayawen ti diablo, dagiti didiosen a balitok, pirak, tanso, bato, ken kayo: a saan a makakita, makanggeg wenno makapagna: Saanda met a nagbabawi kadagiti pamapatayda [aborsion], wenno iti panaggamud, pannakiabig ken panagtakawda.”

Paltiing 11:14-19: “Limmabas ti maikadua nga alinggaget ket um-umay a nadaras ti maikatlo nga alinggaget. Ket nagpauni ti maikapito nga anghel; ket adda dagiti napipigsa a timek iti Langit a kunkunada, nagbalinen a pagarian ti APO ken iti CRISTONA dagiti pagarian

iti daytoy a lubong; ket agturayto isuna iti agnanayon. Ket dagiti dua pulo ket uppat a panglakayen a nakatugaw kadagiti tugawda iti imatang ti DIOS, nagrukbab ken dinayawda ti DIOS a kunkunada, Agyamankami KENKA, O APO DIOS A MANNAKABALIN-AMIN, nga isu ti adda idi, ita ken ti umayto; agsipud ta inalam ti dakkel a pannakabalinmo ket nagturayka. Ket nakaunget dagiti nasion, ket dimtengen ti pungtotmo ken ti panawen a pannakaukom dagiti natay ken iti panangitedmo iti gungguna kadagiti adipenmo a profeta, dagiti santo, ken dagidiay a nagbuteng iti naganmo, babassit ken dadakkel; ken iti panangdadaelmo kadagidiay a mangdadael iti daga. Ket nalukatan ti templo ti DIOS idiyay Langit, ket nakita iti templona diay lakasa ti tulagna: ket adda silsilaw, timtimek, gurgurruod, gingined ken dadakkel a tudo a yelo.”

Dagiti puersa ti DIOS iti tangatang, dagiti flying saucers, dagiti UFO ket manmanmananda ti daga iti agdama para iti pannakaisagana iti maudi a panangukom ti DIOS. Agkatawaka no kayatmo ngem pudno nga adda dagiti flying saucers nga iman-maneho dagiti anghel. Minil-million a tattao ti nakakita kadakuada, ket saanda a naggapu iti sabali a planeta.

Iti tunggal kanito nga adda aramiden ti DIOS, padasen ni Satanas nga ipakita a matuladna daytoy. No pay kasta, saan a matulad ni Satanas daytoy. Mangmangted ni Satanas kadagiti palso a sirmata kadagitoy UFO, ket aramidenna dagiti demonio a mangman-maneho nga agrupa kas nadeforma a tattao nga addaan kadagiti dadakkel a nadeforma nga ulo. Dagitoy a panangtulad ket nairanta tapno uyawem ti kinapudno nga ibabaon ti DIOS iti lug-lugar dagiti labes ti gagangay a puersa iti tangatang sakbay a dadaelen dagiti anghelna ti daga, karamanen ti entero a populasion a sumuppiat iti DIOS ken mangbusor iti gobierno ti DIOS, a saan nga ti one-world government, ti U.N., ti New World Order. Daytoy New World Order ket isu ti gobierno ni Satanas. Isu daytoy ti ayup nga iturturayan ti palso a profeta iti Roma, ken iturturong ti espiritu ni Satanas.<sup>6</sup> Ti Vatica ket isu ti tugaw ni Satanas.<sup>7</sup> Saan pulos a nagparsua ti DIOS

(Naituloy iti panid 4)

<sup>5</sup> Gen. 7:11-23, 1 Ped. 3:20 <sup>6</sup> Dan. 2:40, 7:19-25, 12:1, Pal.13:2-8, 14:8, 16:13-14, 19-20, 17:1-9, 18:2-24 <sup>7</sup> Pal. 13:1-12, 17:1-9

**DAGITI PAGSIDSIDDAAWAN SADI LANGIT  
KEN  
PAGILASINAN DITUY DAGA**

*(Naituloy manipud iti panid 3)*

kadagiti tattao wenno aniaman a parsua kadagiti dadduma a planeta. Maag ti tao iti panangpampanunotna iti daytoy!

Ibaga ti Paltiing 15:5 agingga iti 16:21, “Kalpasan a kimmitaak ket nakitak a nakalukat ti templo ti tabernakulo ti testimonio idia Langit: Ket rimuar manipud iti templo ti pito nga anghel nga addaan kadagiti pito [a maudi] a didigra, a nakawesan iti nasudi ken puraw a de lana, a nabarikesan dagiti barukongda kadagiti nabalitukan a barikes. Ket inted ti maysa kadagiti uppat [nailangitan] nga ayup dagiti balitok a botilya a napno iti pungtot ti DIOS a sibibiag iti agnanayon. Ti templo ket napno iti asuk manipud iti dayag ken pannakabalin ti DIOS, ket awan ti tao a makastrek iti templo agingga a matungpal dagiti pito [a maudi] a didigra dagiti pito nga anghel. Ket nangngegko ti timek manipud iti templo a kunana kadagiti pito nga anghel, mapankayo iti dalanyo ket ibukbokyo dagiti botilya ti pungtot ti DIOS iti rabaw ti daga. Ket napan ti umuna ken imbukbokna ti botilyana iti rabaw ti daga; ket nagdissuor kadagiti tattao nga addaan iti marka ti ayup ken kadagiti nagdayaw iti imahena ti nabangsit ken naut-ot a gaddil.

“Ken imbukbok ti maikadua nga anghel ti botilyana iti rabaw ti baybay; ket nagbalin a kas iti dara ti natay a tao: ket ti tunggal nabiaq a kararua ket natay iti baybay. Ket imbukbok ti maikatlo nga anghel ti botilyana kadagiti rabaw ti karayan ken ubbog ti dandanum; ket nagbalinda a dara. Ket nangngegko ti anghel dagiti dandanum a kunana, nalintegka, O APO, nga adda ita, idi, ken addanto, gapu ta nangukom ka a kastoy. Gapu ta imbuyatda ti dara dagiti santo ken profeta ket inikkam ida ti dara nga inumenda; gapu ta maikarida. Ket nangngegko ti sabali manipud iti altar a nagkuna, Wen O APO DIOS a MANNAKABALIN-AMIN, pudno ken nalinteg dagiti panangukommo. Ket imbukbok ti maikapit nga anghel ti botilyana iti rabaw ti inis; ket naited kenkuana ti pannakabalin a mangdadang

kadagiti tattao babaen iti apoy. Ket nadadang dagiti tattao iti nakaro a pudot, ket tinabbaawanda ti nagan ti DIOS, nga addaan pannakabalin kadagitoy a didigra: ken saanda a nagbabawi a mangted koma iti gloria KENKUANA. Ket imbukbok ti maikalima nga anghel ti botilyana iti rabaw ti tugaw ti ayup [Vatica ti Roma]; ket napno ti pagarianna iti kinasipnget; ket kinagatda dagiti dilad gapu iti ut-ot, ket tinabbaawanda ti DIOS iti Langit gapu kadagiti ut-ot ken gaddil-da, ken saanda a nagbabawi kadagiti aramidda [kas met laeng ita]. Ket imbukbok ti maikainnem nga anghel ti botilyana iti dakkel a karayan ti Eufrates; ket nagmaga ti danumna tapno maisagana ti dalan dagiti ari ti daya. Ket nakitak ti tallo a narugit nga espiritu a kas kadagiti tukak a rimuar iti ngiwat ti dragon [Satanas], ken manipud iti ngiwat ti ayup [ti Anticristo, ti one-world government, ti U.N., ti New World Order nga naipasdek idia Roma, nga isu ti Vatica], ken manipud iti ngiwat ti palso a profeta [ti Vatica, ti kulto a Romano Katoliko]. Ta isuda dagiti espiritu dagiti diablo, nga agar-aramid kadagiti datdatlag a mapan kadagiti ari ti daga ken iti entero a lubong, tapno urnongenna ida a makigubat iti daya dakkel nga aldaw ti DIOS a MANNAKABALIN-AMIN.

“Kitaenyo, immayak a kasla man-

nanakaw. Nagasat ti agsiput, ken ti mamagtalinaed iti kawesna [ti pannakaisalakan<sup>8</sup>], ta amangan no magna a lamolamo, ket makitada ti pagbabainanna. Ken inurnongna ida iti lugar a maaw-awagan iti Hebreo a pagsasao nga Armageddon. Ket imbukbok ti maikapito nga anghel ti botilyana iti anghel; ket adda ti napigsa a timek manipud iti templo idia Langit, manipud iti trono nga ibagbagana, nalpasen. Ket adda timtimek, gur-gurruod, ken kimkimat; ken adda ti napigsa a ginggined, banag a saan pay a nakitkita ti tao iti rabaw ti daga, napigsa la unay ken dakkel a ginggined. Ket nabingbingay iti tallo a paset ti siudad, ket nadadael dagiti siudad dagiti nasion: ket nalagip ti DIOS ti Babilonia, tapno itedna kenkuana ti kopa ti arak ti kinarungsot ti pungtotna. Ket napukaw ti tunggal isla ken saanen a masapulan dagiti bantay. Ken dimteng kadagiti tattao ti dakkel a tudo ti yelo manipud langit, ti tunggal bato ket addaan dagsen ti maysa a talento: ket tinabbaawan dagiti tattao ti DIOS gapu iti didigra ti tudo a yelo; gapu ta nakaro la unay dayta a didigra” (Paltiing 16:14-21).

Masapol nga ammo ti kagimongan dagiti Kristiano kasta met ti entero a

<sup>8</sup> Mat. 8:10-12, 13:37-43, 47-50, 22:8-14, 24:42-51, 25:1-13, Lucas 9:23-26, 62, 12:35-48, 14:15-35, Rom. 8:35-39, 2 Cor. 5:1-4, Pal. 3:1-3, 8-22

## Togo

*Naipatarus manipud French*

Naimbag a rabiiyo patgek a Papastor, manipud iti Tony Alamo Christian Ministry.

Kaaw-awatko laeng ti package idi Pebrero 23, 2013. Naglaon daytoy a package iti tallo a French a Biblia, lima a libro a *Mesias*, dua a T-shirts, ken rinibribu a piraso a babasaen. Aramidenmi ti aniaman a nasken para kadagitoy a materiales tapno nadaras a makadanonda iti nakairantaanda.

Ibagbaga dagiti katrabahoak idia Togo nga idanonko ti kablaawda kenka ken agyamankami iti naimbag a nakemmo para iti pannakaisalakan dagiti kararua. Mabendisionankayo amin iti nagan ti Apotayo a ni Jesus. Amen!

Dakkel ti panagkasapulanmi ditoy Togo. No mabalin, itutuloyyo ti mangipaw-it iti ad-adupay a Naebanghelioan a materiales, kas iti Biblia a French, adu a babasaen, iti adu a bilang ti package. Nadaras a maibunong dagiti babasaen kas maawatmi ida. Kayat dagiti tattao ti adu a babasaen tapno mabasada dagiti aramid ti ebanghelyo manipud kadagiti Alamo pastors ditoy Togo. Adu kadagiti agbasbasa ti mangit-ited iti biagda ken ni Jesus gapu iti daytoy bassit a libro a *Ti Mesias*.

Naikordon kenka,  
Atchou Kokou

Tony Alamo Ministry iti Togo



populasion ti lubong ti saan a makita a kagimongan, ti kagimongan dagiti anghel. Adda dagiti naimbag nga anghel kasta met nga adda dagiti dakes. Dagiti naimbag ket isuda dagiti anghel ti DIOS, ken maaw-awaganda a “Tagabantay.” Sipsiputanda ti tunggal tignay nga aramidentayo, ken deng-denggenda met ti tunggal sao nga ibagatayo.

Iti Genesis, binilin ni Abraham a patriarko ti adipenna a mapan iti dati a daga ni Abraham, idiy Mesopotamia, tapno mangsapul iti asawa para ken ni Isaac nga anakna. Imbagana iti adipenna, “Ti APO a DIOS ti Langit, a nangala kaniak manipud iti balay ni amak, ken manipud iti daga dagiti kakabagiak, ken ISU a nagtimek kaniak a nagkari babaen iti panangibagana, itedko iti anakmo daytoy a daga; Ibaonnanto ti anghelna [dagiti tagabantayna] iti sakbaymo” (Genesis 24:7). Ket imbaonna ti anghelna ti sakbay ti adipenna, ket nasarakan ti adipen ti anak a babai ni Ethuel a managan Rebekah nga agtawen iti sangapulo segun iti Libro ti Jasher, kapitulo 24, bersikulo

40. Uppat a pulo ti tawen ni Isaac, segun iti Libro ti Jasher, kapitulo 24, bersikulo 45. Napasingkeda met daytoy iti Genesis 25:20. Ni Rebekah ti nangiyanak ken ni Israel babaen ken ni Isaac. Inyanakna da Esau ken Jacob. Sinukatan ti DIOS ti nagan ni Jacob iti Israel idi nagballigi isuna iti pannakigabbona KENKUANA idiy Mahanaim (Genesis 32:24-28).

Ti anghel ti APO ti nangidalan iti nasion ti Israel iti Nalabaga a baybay agingga iti namaga a daga, ken sakbay daytoy a pasamak, napan iti likodan ti Israel, immay iti nagbaetan ti kampo dagiti Egipcio ken ti kampo ti nasion ti Israel (Exodo 14:15-20).

Ibaga ti Genesis 19:1, “Adda immay a dua nga anghel idiy Sodoma iti Sumipnget.” Iti Genesis 19:12-13, imbaga ti dua a lallaki (anghel) ken ni Lot, “Adda pay kadi siasinoman a kabagiam ditoy malaksid kadakayo? Iruarmo manipud iti daytoy a lugar ti manugangmo a lalaki, dagiti annakmo a lallaki ken babai, ken siasinoman nga adda iti siudad: ta dakami [dagiti anghel] dadaelenmi daytoy a

lugar, gapu ta pimmigsa la unay ti ikkisa da iti imatang ti APO; ket imbaonnakami ti APO a mangdadael iti daytoy.”

Dua laeng ti anghel a nangdadael iti Sodoma ken Gomorah ken dagiti siudad nga adda iti sibayda (Genesis 19:12-29). Ken adda laeng maysa nga anghel a nangdadael iti entero nga armada dagiti soldado ni Senakerib. Kalpasan a imparammag ni Senakerib iti Israel ti kinapigsa ken pannakabalin ti armadana, imbaga ti 2 Ar-ari 19:35, “Ket napasamak iti daya a rabii a rimwar TI ANGHEL TI APO [maysa nga anghel] ket sinaplitna ti kampo dagiti taga-Asiria ken ti sangagasut ket walopulo a gasut [185,000]: ket idi bumangonda iti nasapa ti bigat, nakitada amin dagiti natay a bangkay.”

Dinadael ti maysa nga anghel ti entero nga armada ti Egipto, ken maysa nga anghel ti nangdadael iti entero nga armada ni Senakerib. Pito nga anghel ti mangdadael iti entero a lubong. Anian a nakarkaro koma ti panagbuteng dagiti tattao kadagiti ginagasut a makitkita nga UFO, dagiti flying saucer nga imanmaneho dagiti anghel ti DIOS, nga isuda ti agdama, kas ballaag a pagilasinan, a mangdadael kadagiti espisifiko a luglugar ditoy daga kas iti New York, New Jersey; New Orleans, Louisiana; Joplin, Missouri; Haiti; Indonesia; ken Japan? Daddadaelenda ti ginagasut a dadduma a lugar iti entero a lubong. Mangibabaon ti DIOS kadagiti anghel a mangdadael kadagiti siudad ken tattao iti entero a lubong.

Ibaga ti Mateo 24:21-22, “Ta addanto ti dakkel a tribulasion, a saan pay a nakitkita nanipud nangrugi ti lubong agingga iti agdama, saan, wenno saanto pulos a makita. Ket malaksid a mapaababa dagita nga aldaw, awanto pulos ti lasag a maisalakan: ngem maigapu kadagiti napili, mapaababanto dagita nga aldaw.”

Murdongen ti panawen ita. Imbaga dagiti dadduma nga isun ti gibus ti lubong, ket nangitedda iti petsa a kas ketdin ammoda ti eksakto nga oras a pinili ti DIOS. Saan ko nga aramid daytoy, ngem ibagak kenka nga isu ti murdong. Saanmo kadi mapanunot a panawen daytoy tapno agbabawika manipud kadagiti basolmo ken maiyanakka manen a mabalbaliwan babaen iti ESPIRITU tapno mabusbosmo

(Naituloy iti panid 8)

## Ti Testimonio ni Lachlan Johnson

Naiyanakak ken napadakkel idiy Australia, ket saan a relihioso dagiti nagannakko, ken kangrunaanna saanda a Kristiano. Saanak pulos a naaddaan iti pannakaiturong iti Nakristianoan a pammati. Inayonko pay, nagasatak gapu ta nasapa unay ti pannakaiyanakko ket nagasatak ta nagbiagak. Adda bassit kasok a pan-



Ni Kabsat a Lachlan Johnson

nakaparalisa (Cerebral Palsy) ken sakit a maiyarig iti polio (Muscular Dystrophy).

Bassitak pay idi ken addaak iti balay ti gayyem. Adda kapadasak mainaig iti Apo ngem saanko malagip amin dagiti detalyena. Ngem malagipkonto a naan-anay daytoy inton agawidak iti balayko idiy Langit...Addaan ti gayyemko iti Biblia a pang-ubbing iti porma a drowing wenno cartoon. Addaan daytoy iti bassit nga ubing a kas kaniak a nakalugan iti

bisikletana ngem nangdungpar iti lugan. Ngem diak malagip no agasan isuna ti Apo, ngem ti imahe ni Apo Jesus ket adda iti akin-ngato a suli. Kas kunak nalawag daytoy, impakaawat ti Apo kaniak a nasayaatto amin a banag. No maagasan ti ubing, nasayaat daytoy, wenno no matay isuna, addanton isuna

idiy Langit. Daytoy ket situasion nga awan pakaabakanna. Iti daya a kanito linukatan ti Apo ti pannakaawatko nga Isuna ti Dalan, ti Kinapudno, ken ti Biag. Isu nga uray no awan kapadasak a pannakaiyanak manen a nabalbaliwan, pinanunotko ken imbagak a Kristianoak.

Nagdesision dagiti nagannakko nga umaliskami iti baro nga estado idiy nakaiyanakan ni tatangko. Apag-

(Naituloy iti panid 6)

## Ti Testimonio ni Lachlan Johnson

(Naituloy manipud iti panid 5)

biit kalpasan, nagsina dagiti nagannakko. Nagdesision ti amak a saan a nasayaat para kaniak no mapatanurak iti denna ti inak, isu nga inyapannak iti boarding school. Narigat unay daytoy para kaniak, ti maipanaw manipud iti inak ken ti maikabil ken mapatanur iti kasla militar a pagadalan. Ti pagadalan ket maysa a pribado a pagadalan a para kadagiti nababaknang. Pinanunot ti inak a nasayaat daytoy para kaniak, isu a naggianak sadiay.

Mapmapanak iti aglawlaw nga ibagbagak a Kristianoak, ken uray no ibagak ti aniaman a kararag ti managbasol, awan ti siasinoman a tumulong kaniak tapno makapagtalinaedak a naisalakan. Imbasbasada met a napigsa ti King James Version a Biblia ken nagkankanta kami kadagiti Salmo (naikabilda iti musika). Ngem agar-aramidak kadagiti basol a nakarkaro nga adayo ngem dagiti ar-aramiden dagiti tattao a saan pulos a nangibagbaga a Kristianoda. Awan ti pannakaiyanak a nabalaliwan, panangiturong ti Nasantoan nga Espiritu ti Dios. Maysa daytoy a naorganisa a relihion. Siasinoman nga estudyante nga agkuna a Kristianoda—

maysa laeng a guyod dagiti gagayyem a kapadasan imbes a ti makabaliw iti biag a kapadasan.

Isu a pinanawak ti eskuelaan. Dadduma kadagiti gagayyemko manipud iti eskuelaan ket mapmapan iti maysa kadagiti kapapardasan a dumakkel nga iglesia ti Australia, ngem maysa daytoy kadagiti kadadakkelan ta saanna nga ikas-kasaba a masapol a pagbutngam ti Dios ken salimetmetam dagiti bilinna. Adanda iti “Nakristianoan” a basketball, “Nakristianoan” a surfing, ken ti grupo dagiti agtutubo. Isu a mapmapanak iti simbaan nga addaan kadagiti kamali a rasrason ken ar-aramidek ti aniaman a kayatko iti dadduma a paset ti lawas. Saanda nga ikaskasaba ti kinakaro ti basol. Saanda nga impagpaganetget a masapol a maisinaka ken agbalin a nasantoan a tattao, naisina manipud iti lubong. Ti kapampanunotan ti iglesia maipapan iti panagsaksi ket iti agbalin a naballigi iti kareram wenna trabahom, ken agsaksika no kayam.

Nailaokak iti kamali a grupo, inked-deng dagiti tattao iti daytoy a grupo nga awan ti punto ti panangitrabtrabohom iti entero a biagmo; agragsakkan ita. Isu

a pinanawak ti trabahok. Narurod dagiti nagannakko. Kalpasan ti ababa a kanito a panangaramidko iti daytoy, dinesisionak ti umay ditoy Estados Unidos tapno mabaliwanak. Panawen idi ti Paskua, 1986. Nagtayabak nga immay ditoy, ken nagdaldaliasatak a nagliklikmot. Nakaro ti panangtallikodko iti pammatik ken agar-aramidak iti amin a kita ti basol, ngem ibagbagak latta a Kristianoak. Nagtuloy daytoy iti uneg ti tallo a bulan.

Addaak idi idiy Miami nga ayan ti iglesia ni Pastor Alamo. Agsubsubliak manipud iti igid ti baybay a nakaiggemak iti beer ket adda dua a kakabsat a lallaki manipud iti ministri iti daldalan nga agsapsapol kadagiti napukaw a kararua. Immayda kaniak ket sinaludsodda no Kristianoak ket wen ti imbagak kadakuada. Sinaludsodda, “Ar-aramidem kadi amin dagiti bilin?” Masapol nga ibagak, “Saan.” Imbagada a ti basol nga adda iti kararuak ket isu ti mangyapan kaniak iti umapapoy nga Impiernu. Nalagipko a kas laeng idi kalman. Sinaludsoddak no kayatko ti mapan makigimong, isu a sinurotko ida a nakigimong.

Naaramid ti gimong iti bassit a balay—awan ti aniaman a napintas. Indatonko manen ti biagko iti Apo. Kalpasan ti gimong, nariknak a nadalusak unay.

## Zambia

Patgek a Kakabsat,

Kablaaw iti nakaskasdaaw a nagan ni Jesu-Cristo ti asidegen nga umay a Mesiastayo. Nasayaat ti familiak, ti kongregasionko ken uray siak. Sikakararag a namnamaek a nasayaatkayo met. Ikara-ragko ti salun-at ken salaknib ti Dios ken ni Pastor Tony Alamo. Naawatko idi Biernes ti package nga impaw-ityo. Agyamanak iti suportayo.

Ni Cristo ti kangrunaan nga ubbong ti agpada a nadoktrinaan ken praktikal a Kristianismo. Nasken ti umno a pannakaammo ken ni Cristo ti umno a pannakaammo iti pannakadalus ken kasta met ti pannakapalinteg.

Ti nagan ni Jesus ti kakaisuna a nagan tapno magun-od tayo ti iseserrek iti ruangan ti agnanayon a gloria. No mapantayo iti daya a ruangan babaen iti bukodtayo a nagan, mapukawtayo; saantayo a maawat; awan us-usar ti panagtuktuktayo. No

mapantayo iti nagan ni Jesus, daytoy ket pasaporte ket makastrektayo ken agbiag. Ti marka ti dara ni Cristo ket isu laeng ti marka a makaisalakan kadaytoy manipud iti pannakadadael.

Idi Domingo, nagkasabaak idiy Bible Way Ministries idiy Chingala District. Ti mensahe ket “Rumegta ken Bumilegka” manipud iti Joshue 1:1-9. Magagaran ti kongregasion a dumngeg iti sermon. Kalpasan ti gimong, inwarasko ti Naebanghelioan a babasaen ni Pastor Alamo iti uppap nga iglesia iti tallo a lugar. Maragsakan dagiti pastor iti panangawatda iti Naebanghelioan a babasaen, a naglaon iti plano a pannakaisalakan babaen ken ni Jesu-Cristo.

Kabayatanna, napan nagkasaba ni Pastor Lazarous Kululu iti nasulineak a lugar a maaw-awagan Ngosa farm, nga ayan ti sabali pay nga iglesia ti Bible Way Ministries. Inwarasna met ti Naebanghelioan a

babasaenyo sadiay ket ti panagkasapulan iti daytoy ket nangato latta. No ipaay ti Apo dagiti kasapsapulan, mangipaw-itkayo pay kadagiti Naebanghelioan a babasaen tapno maasistaran dagiti iglesia idiy Solwezi road.

Kankanayon nga ap-apresiarek ti suportayo. Adun dagiti kararua a naisalakan babaen iti Naebanghelioan a babasaenyo. Iti panangngudok, ipasayo ti nalumanay a kablaawko iti kongregasion. Kararagko a makangngegak manipud kadakayo iti mabiit.

Daytoy katrabahoanyo ken Cristo, Ison Poleni Copperbelt, Zambia

P.S. Inyapanko dagiti nabatbati a Naebanghelioan a babasaen ken ni Pastor Moral Musonda, nga ageb-ebanghelyo idiy Wusakile, ken Chamboli Townships. Mangisalsalakan dagitoy iti ad-adu pay a kararua ken ni Cristo.



Maysa a kamayatan a punto daytoy a ministri ket iti imbagada a mabalinko ti mapan iti ministri ket maited amin dagiti kasapsapulak. Ammo ti Dios a kasapulak daytoy a kita ti kagimongan ti iglesia, gapu ta agbalinak met a kas iti nakaad-adu a mangibagbaga iti kararag ti managbasol sada met laeng suruten ti bukodda a dalan ken agsublida met laeng iti basol.

Dayta ket idi Abril ti 1987 ket addaak iti ministri sipud idin. Iti ministri, napanak iti adu a gimong, napan iti entero a nasion nga agsaksaksi ken agiwarwaras kadagiti naebanghelyoan a babasaen



*Ni Pastor K.S. Manohar (makin-ngato a kattigid, ken makin-baba a kannawan) agiwarwaras iti pangsoul-winning a babasaen ni Pastor Alamo idia Visakhapatnam, Andhra Pradesh, India*

ni Pastor Alamo. Nasursurok ti adu nga agduduma a kabaelan iti trabaho. Nagbalin ni Pastor Alamo a nasinged a gayyem ken dakkel ti intulongna kaniak a naespirituan. Pudno a daytoy a ministri ket natalged a pagkamangan para iti kararua ti siasinoman. Marag-oanak launay ta impaayannak ti Apo iti lugar gapu ta kaslaak met koma kadagiti mangibagbaga a Kristianoda a ti panagkunada ket addada iti umno a dalan a mapan Langit, ngem segun iti Nasantoan a Surat, addada iti dalan nga agturong Impierno. Idaydayaw ken pagyamanak ti Apo ken ni Pastor Alamo ken amin dagit kakabsat a lallaki ken babbai iti bagi ni Cristo a timmulong kaniak.

Madaydayaw ti Apo,  
Lachlan Johnson



## Cuba

*Naipatarus manipud Spanish*

Ay-ayatek a Brother Pastor Alamo,

Tarigagayak a patgan ti Dios dagiti kiddaw ti pusom. Naragsak a Baro a Tawenmo! Pastor, Agyamanak launay ta kamauddiananna naawatko met laengen dagiti CD a kiniddawko ken ti “Tony Alamo” T-shirts. Naragsakanak launay gapu kadagitoy. Pastor, adu ti immawat kadagiti pagiwarnak ken ti librom a *Ti Mesias*. Adu ti naapektoanna ta naaddaanda iti nalawlawag ken nalawlaw a pannakaammo maipapan ken ni Jesu-Cristo. Pinaregta ken pinunno dagiti pagiwarnakmo ti biag dagiti adu a kararua. Kayatmi ti maaddaan iti ad-adu pay nga oras nga agebanghelyo ken ad-adu pay a wayawaya, ngem aramidenmi ti ipakita ti Dios kadakami.

Itultuloymi ti agkararag para kadakayo, pastor, Saanka a maup-upay. Agtuloyka nga agabante. Ay-ayatennaka ti Dios. “Agparbengkayo, agsalukagkayo; gapu ta ti kabusoryo ti diablo, ket kasla leon a ngumerngenger, agpagnapagna, agsapsapul iti alun-unenna: Sarangtenyo ngarud babaen iti nabileg a pammati, gapu ta ammoyo a dagitoy a sagsagabaen ket madama a mapaspasamak kadagiti kakabsatyo nga adda iti entero a lubong” (1 Pedro 5:8-9). Ay-ayatenkayo launay!!

Paraburkadakayo!  
Daiye Madeleidys

Havana, Cuba

## Russia

Kumusta,

Agyamanak launay kadagiti pulyeto nga addaan iti nakaibasaran ti pammatiyo. Inkumparak amin dagitoy iti Biblia ket kinapudno dagitoy! Itan isu metten ti pammatikon. Daksanggasat, nagrigat ti agtalek ditoy Russia. Inwarasko dagiti dadduma a pulyeto iti panagsapulko kadagiti kararua, ngem napadtengko dagiti dakes a tattao ket dinangrandak gapu iti daytoy, gapu ta kayatko nga ibingay daytoy a kinapudno. Pasensyakayon ta nabayag a saanak a nakasungbat iti suratyo. Marigrigatak laeng a tao ket awan ti internetko. Narigat launay ita. Awan ti trabaho ket sagpaminsan nga awan ti makan. Agkiddawak nga ikararagdak. Padasek ti agsurat kadakayo iti mabiit. Adda pay laeng ti nasken nga adalek maipapan iti pannakabautisar iti masakbayan a panagkomunikarta. Daytoy gayyemmo manipud Russia, Maksim R.

## Kenya

Patgek nga Evangelist Tony Alamo,

Agyamanak iti Dios ta nasarakak dagiti broadcastmo. Adu ti naadalko manipud iti programam. Agsarsaritaka maipapan kadagiti seryoso a bambanag no kasano ti agbiag ken agayat ken maipapan iti salun-at ken familia.

Inusarnaka ti Apo tapno maisalakanak ken ti familiak ken uray pay dagiti nagannakko. Paw-itannak kadagiti makatulong a Nakristianoan a babasaen.

Iti Nasantoan a naganna,  
Simon Ngugi

Nyahururu, Kenya

## Philippines

Agyamanak iti panakipagpasetyo iti panagdaliasatko. Adda dakkel nga inakem ti programayo iti pannakasabet ti naespirituan a kasapsapulak. Nangyeg kaniak ti programayo iti liwliwa ken pamingked, ken ininspirannak nga agtultuloy uray ania ti situasion. Adda dagiti kanito a kayatkon ti umibbat. Ngem kanayon a maipalagip iti panunotko dagiti mensahem nga amin dagitoy a bambanag ket lumabasda no ikabilko ti panagtalekko iti Apo.

Agyamanak kenka, ken itultuloyyo ti nagsayaat nga aramidyo, ti panangisalakan kadagiti kararua. Napudno kenka,  
Jocelyn Ogayon

Quezon City, Philippines

**DAGITI PAGSIDSIDDAAWAN SADI LANGIT  
KEN  
PAGILASINAN DIToy DAGA**

*(Naituloy manipud iti panid 5)*

ti agnanayon iti Pagarian ti Langit? No daytoy ti tarigagaymo, ibagam ngarud daytoy a kararag:

**APOK** ken **DIOSKO**, maasi Ka kadi iti kararuak a managbasol.<sup>9</sup> Mamatiak a ni **JESU-CRISTO** ket isu ti **ANAK** ti sibibiag a **DIOS**.<sup>10</sup> Mamatiak a natay **ISUNA** idiyay crus ken imbuyatna iti napateg a **DARANA** para iti panakapakawan iti amin a napalabas a basolko.<sup>11</sup> Mamatiak a ti **DIOS** pinagungarna ni **JESUS** manipud iti patay babaen iti pannakabalin ti **NASANTOAN NGA ESPIRITU**,<sup>12</sup> ken agtugtugaw **ISUNA** iti makannawan nga ima ti **DIOS** ket iti agdama a dengdengenna iti panangikonfesarko iti basolko ken iti daytoy a kararag.<sup>13</sup> Ilukat ko ti ruangan daytoy pusok, ket **AWISENKA** ditoy pusok, **APO JESUS**.<sup>14</sup> Ugasam amin dagiti narugit a basolko babaen iti napateg a dara nga **IMBUYATMO** iti lugarko iti krus idiyay **Kalbario**.<sup>15</sup> **SAANNAKTO** a pagliku-

dan, **APO JESUS**; **PAKAWANEMTO** dagiti basolko ken isalakanmo iti kararuak. Ammok gapu ta ti **SAOM**, ti **Biblia**, isu ti ibagana.<sup>16</sup> Ibagu ti **SAOM** a **SAANMONTA** a paglikudan iti siasinoman, ket mairamanak dita.<sup>17</sup> Ngarud, ammok a **NANGNGEGNAK**, ken ammok a **SINUNGBATANNAK**, ken ammok a naisalakanakon.<sup>18</sup> Agyamanak **KENKA**, **APO JESUS**, iti panangisalakanmo ditoy kararuak, ket ipakitak iti panagyamanko babaen iti panagtulnogko kas **AGMANDARKA** ken babaen iti saankon a panagbasol.<sup>19</sup>

Kalpasan ti pannakaisalakan, ni Jesus imbagana nga agpabautisarka iti naan-anay a pannakaipabatok iti danum, iti nagan ti **AMA**, ken ti **ANAK**, ken ti **ESPIRITU SANTO**.<sup>20</sup> Adalem ti Santa Biblia [ti Ingles a King James Version] ken aramidem no ania ti ibagana.<sup>21</sup>

Ti **APO** kayatna nga ibagam iti dadduma ti pannakaisalakanmo. Mabalainmo ti agbalin a tagawaras kadagiti babasaen a maipapan iti Ebanghelyo nga insurat ni Pastor Tony Alamo. Ipaw-itmi ti babasaen kenka nga awan bayadna. Agtawag wenno ag-email ka kanyami para iti ad-adupay nga impormasyon. Ib-ingaymo daytoy a mensahe iti dadduma.

No kayatmo ti lubong a maisalakan, kas inmandar ni **JESUS**, saanmo ngarud a taktakawan ti **DIOS** kadagiti **KUKUANA** nga apagkapullo ken datdaton. Kuna ti **DIOS**, “Takawan kadi ti tao iti **DIOS**? Ngem **TAKTAKAWANDAK**. Ngem ibagayo, sadinno ti nangtakawanmi **KENKA**? Kadagiti apagkapullo ken datdaton. Nailunod kayo iti lunod: gapu ta **TINAKAWANDAK**, uray pay daytoy buo a nasion [ken daytoy buo a lubong]. Yegyo amin dagiti apagkapullo [ti apagkapullo ket iti 10% iti amin a pastrekmo] iti kamalig, tapno addanto ti karne [Naespirituan a makan] iti **BALAYKO** [naisalakan a karkararuak], ken **PADASENDAK** iti daytoy, kuna ti **APO** dagiti **BUYBUYOT**, no saankonto nga ilukat kenka dagiti tawtaw ti Langit, ken ibuyatko kenka ti bendision, nga awanto ti kwarto a makalaon a mangawat iti daytoy. Ken ungtakto ti mangdadael para kadakayo, ket saannanto a dadaelen dagiti bunga ti dagayo; uray pay dagiti ubasyo saanda nga ited ti bungada sakbay iti panawenna, kuna ti **APO** dagiti **BUYBUYOT**. Ken amin dagiti nasion ket awagandakanto a nabendisionan: ta sikanto ket makaay-ayo a daga, kuna ti **APO** dagiti **BUYBUYOT**” (Malakias 3:8-12).

9 Sal. 51:5, Rom. 3:10-12, 23 10 Mat. 26:63-64, 27:54, Luc. 1:30-33, Juan 9:35-37, Rom. 1:3-4 11 Ara. 4:12, 20:28, Rom. 3:25, 1 Juan 1:7, Pal. 5:9 12 Sal. 16:9-10, Mat. 28:5-7, Marc. 16:9, 12, 14, Juan 2:19, 21, 10:17-18, 11:25, Ara. 2:24, 3:15, Rom. 8:11, 1 Cor. 15:3-7 13 Luc. 22:69, Ara. 2:25-36, Heb. 10:12-13 14 1 Cor. 3:16, Pal. 3:20 15 Ef. 2:13-22, Heb. 9:22, 13:12, 20-21, 1 Juan 1:7, Pal. 1:5, 7:14 16 Mat. 26:28, Ara. 2:21, 4:12, Ef. 1:7, Col. 1:14 17 Mat. 21:22, Juan 6:35, 37-40, Rom. 10:13 18 Heb. 11:6 19 Juan 5:14, 8:11, Rom. 6:4, 1 Cor. 15:10, Pal. 7:14, 22:14 20 Mat. 28:18-20, Juan 3:5, Ara. 2:38, 19:3-5 21 Deut. 4:29, 13:4, 26:16, Jos. 1:8, 22:5, 2 Tim. 2:15, 3:14-17, San. 1:22-25, Pal. 3:18

*Kontaken dakami para iti ad-adupay nga informasion wenno babasaen iti dadduma a topiko nga ayan ti interesmo.*

**Tony Alamo, World Pastor, Tony Alamo Christian Ministries Worldwide • P.O. Box 2948, Hollywood, CA 90078 USA**  
**Linya ti 24-Oras a Panagkararag ken Imformasion: (661) 252-5686 • Fax (661) 252-4362**  
**www.alamoministries.com • info@alamoministries.com**

*Ti Sangalubongan a Nakristianoan a Ministri ni Tony Alamo ket mangipaay iti lugar a mabalain a pagtalinaedan nga addaan kadagiti bambanag a nasken iti panagbiag para kadagidiyay adda iti lokasion ti U.S. a pudno nga agtarigagay nga agserbi iti APO iti amin a puso, kararuak, panunot ken pigs.*

**Dagiti Gimong a maar-aramid iti Siudad ti New York Tunggal Martes iti 8 P.M. ken iti dadduma a lokasion iti rinabii.**

**Tawagan (908) 937-5723 para iti informasion. ADDA MAIDASAR A MAKAN KALPASAN TI TUNGAL GIMONG.**

Dawatem iti libro ni Pastor Alamo, *Ti Mesias*, a mangiparang ken ni Cristo manipud iti Daan a Tulag iti nasurok a 333 a padto.

*Makipagtrabahaya iti panagapit iti kararuak babaen iti panangiwarasmo kadagiti babasaen a sinurat ni Pastor Alamo.*

*Amin dagiti babasaen ken dedenggen a mensahe ket awan bayadna, agramanen ti pannakaibusonna.*

*Nu adda ti agpabpabayad kadakayo, tawagam daytoy a numero (661) 252-5686 collect.*

**LINAON DAYTOY A BABASAEN TI PUDNO A PANGGEP TI DIOS A PANANGISALAKAN (Aramid 4:12).**

**SAAN MO NGA IBELBELLENG, IPASAM ITI SABALI.**

**Kadakayo nga adda iti dadduma a nasion, awisendakayo a mangipatarus iti daytoy a babasaen iti bukodyo a pagsasao.**

**Nu inprintayo manen, inayunyo daytoy a kalintegan iti kopya ken pannakairehistro:**

© Kalintegan iti Kopya Marso 2013, 2014 Naited amin a kalintegan World Pastor Tony Alamo © Nairehistro Marso 2013, 2014